

APR 31 cari formula kekal keamanan Asia Pasifik

➔ Malaysia sumbang tenaga, ambil bahagian teruskan kedaulatan, keselamatan serantau

Oleh **Sophia Ahmad**
sophia@bh.com.my

✦ Kuala Lumpur

Kebangkitan kuasa besar termasuk negara di Asia dilihat semakin mendominasi senario politik dunia dan sedikit sebanyak memberi kesan

kepada rantau ASEAN, kata Datuk Seri Najib Razak.

Perdana Menteri berkata, fenomena paling tidak dijangka sering dikesan ialah kekecewaan terhadap kegagalan proses globalisasi yang pada dasarnya bukan berlaku dalam waktu singkat, sebaliknya penyakit yang terpendam sekian lama.

"Ia berlaku sudah lama dan dimarakan lagi dengan kewujudan jurang ekonomi, kemunduran dan perbezaan ideologi politik.

"Semua aspek ini di banyak tempat di dunia, mengakibatkan banyak kejadian negatif seperti sikap tidak bertolak ansur, prejudis dan kebencian terhadap masyarakat dan budaya asing," katanya.

Najib berkata demikian dalam teks ucapan dibacakan Menteri di Jabatan Perdana Menteri, Datuk Seri Nancy Shukri pada majlis pembukaan Persidangan Meja Bulat Asia Pasifik Ke-31 (APR 31), di



Nancy bersama Menteri Sains, Teknologi dan Inovasi, Datuk Seri Wilfred Madius Tangau dan Pengerusi Institut Kajian Strategik dan Pengajian Antarabangsa, Tan Sri Rastam Mohd Isa tiba pada majlis pembukaan Persidangan Meja Bulat Asia Pasifik Ke-31 (APR 31), di Kuala Lumpur, malam tadi.

sini malam tadi.

Percambahan idea

Katanya, penganjuran APR 31 adalah manifestasi kepada percambahan idea golongan pemikir strategik yang bertungkus lumus menghasilkan formula untuk me-

neruskan kelangsungan keamanan dan kestabilan rantau Asia Pasifik.

"Atas dasar ini, Malaysia tidak ketinggalan menyumbang tenaga dan mengambil bahagian dalam semua perkara yang mengkhusus kepada kedaulatan serta kesela-

matan serantau.

"Dengan penyertaan negara jiran, kita ambil bahagian mengawal Selat Melaka dan Laut Sulu. Prinsip Malaysia untuk amal pendekatan kesederhanaan serta kerjasama membawa kepada penubuhan Pusat Serantau Memerangi Mesej Melalui Komunikasi," katanya.

Najib berkata, pengurangan aktiviti Daesh, menjadikan rantau Asia Tenggara semakin penting dan tumpuan ramai, serentak dengan tindakan ramai bekas anggota militan meninggalkan perjuangan sia-sia mereka di Asia Barat.

"Tidak hanya membantu membasmi aktiviti Daesh, peranan Malaysia dalam menjalin hubungan erat dengan negara luar turut diiktiraf apabila memainkan peranan sebagai pemangkin rundingan damai di Thailand dan Filipina," katanya.



22 - 24 MEI 2017
KUALA LUMPUR